

本館新聞除禮拜外日出一紙諸君賜閱本報者無論本埠外埠均可函致本館取閱如外埠賜閱照加寄費可也除日報照常刊送外復不惜工本從英國深辦釘書裁紙各機器以待與各官商刊印書籍單件並有英國各體活字及各式花邊等延有西人排印工藝甚精所有中西文字均能刊印並有石版印字大小機器均用精工刊

申報

(號一十第牌門口氣巴舊在設開館本)

印工緻絕倫前延有文士書寫各體文字現由上海購到各種書籍出售其書目另行刊佈所有各價甚相宜再本館所登來札原擇其有關世道人心者附登否亦須無礙於人而後始錄其有謬屬成文以及支離費解者概不登報嗣後諸君來札尚祈自諒更須寫實爵里而後敢登但來稿登與不登均不能將原稿收回也 本館謹白

庚寅四月廿七日

凡刊印告白第一日每一字一仙第二日以下每字半仙 大英一千八百九十年六月十四日禮拜六 每張售錢五文 每月一元 每季三元 每半年二元 每年一元

新到各種奇書發售 ○啟者本館近由上海姑蘇等處採買各種奇異新書及地輿圖誌等來叻發售其書或銅板木板鉛板石板均無不有且字畫詩書等項尤繁多有叻地未嘗見者其有益於世道人心者實非鮮淺有非徒快耳目者比茲特以廉價出沽諒亦 諸君子所欲先睹為快者也所有各書目經已另列單張附呈 鈞覽閱者 鑒焉 本館謹白

論香江礦事

昨閱西報有云香港有西人名士密者前在西營盤欲建住屋因挖地而得銀鉛之礦初次所探得銀鉛之質尚屬無多嗣再探之則礦石每墩可得銀七十二安沙並得鉛一千五百三十三磅之多據此情形則此礦苗成色之高實非尋常可及也此事昨已詳登本報一時叻地之人見之均無不為之色然而作咸謂港地有礦之佳如此將來若能開採則其獲正不知其幾何不禁為之傾慕者久之然竊以為未必然也但本報遙居叻地則此中情形未經目擊固難決其必然也就此中之理勢觀之要亦不過徒托空言作鏡花水月觀之可耳請就其所以然之故而畧言之今天下之礦多矣其風已盛人多利其所利故凡有產礦之地無不為之開採然試詳核其開採之虛妄皆在於山嶺之間遠離人居而後始為採挖嘗思其故良由開採之處所須地方甚廣故必於荒邱僻壤而後為之此蓋取其地價之廉購而開之庶可以獲其美利若夫烟戶稠繁之所則地價昂貴原非開礦之所宜香港不過一彈丸之地耳寬廣不及十里而旅民之居此者不下三四十萬人加以商貨雲屯為通商之都會人烟之密幾至無插足之地故無論人家店舖均建有三四層之樓閣以備人居蓋不如是不足以容此多人也是以香港地價昂貴異常執開之處每丁方英尺常至須價十餘元即稍靜之區亦非三四元不可今據該西人所稱其礦係在西營盤地面該處雖不比上中兩環之繁盛然亦為一鬧市如南北行等之巨店多在其中故其地價亦有甚昂即建一屋之地其價亦常至萬數千元則其地縱有礦苗亦安能為之開採蓋地價既昂則非易於購置即不惜重價為之買受以圖開採而所耗既鉅所得實不足以償之也即如中國礦地最多凡諸城垣均莫不有產煤之地然究未嘗開採者亦以此為民居之所地價昂貴與荒邱僻壤有所不同故耳然則西營盤一地無論並無礦地即使有之亦必不能開採此理使之然亦勢使之然也但此惟據其所以言之耳抑亦更有所慮者近來有一種奸民專藉礦地以行其騙術其計固甚工者大抵必與礦師聯合通同作弊以售其奸其法則先以五金等物壅於地中始則秘而不言迨閱若干時則忽然四處播傳謂某處有礦地出焉其礦甚佳於是與其串同之礦師則故意督工往為試掘果得微驗於是更為盛傳遂乘機招集股份購買其地而開採之於是欲得其利者即紛紛附股而該地主將地為之發賣藉以得其重價迨開採而後其初果見礦苗甚盛而故意誇說其佳致令股價一時為之加昂於是潛以其股轉售與人以獲此中之利迨夫所挖既深並無所得則股價復為之跌然購股者已悔無可及而作弊者則已囊橐皆盈矣此等弊習近來歐洲各地實有甚繁而中國亦漸有之此乃見於歐洲各日報之中商務中人多有知其事者是以近來所開之礦先則股價為之頓漲未幾即多有為之倒歇者是亦未嘗非由此而來今據香港所謂尋獲銀鉛之礦雖未知其是否否有此弊端然就其理而思之則亦未嘗無可疑之處蓋香港一地並非平洋之所初本崇山巨嶽幾經剝削而後可以建屋住人則其地除海傍等處低陷之區則固無處不經挖掘矣若果地中有礦則數十年於此早已有人知之又何待至于今始有人為之尋獲乎且也香港為中西往來孔道無論官紳商庶多出其途而西國名礦師之遊其地者更多莫勝言非若內地荒山之比若有礦地則早已有人知之有人探之何以數十年來並未見有礦師言其地產有銀鉛豈前此之礦師均無識見並不能知其有礦歟細思其中之由則更有令人可疑之處况近來香港以及叻嶼甲各地之商人均無不好尋礦地遇有礦務招股則無不爭相求買然則又安能保其非見購買礦股之風甚盛而故設為此法耶但相距既遠未經目擊則無從推測兩知今即信其果有礦產而觀之恐亦有難於採辦因其地價之昂故也故愚謂此礦不過徒託空言作鏡花水月觀之不亦宜乎

南洋股份行情電報 ○昨本坡實得力太晤士西報接廿四日英京發來電報云彭亨股份現值銀七十司令半至七十五司令民東股份現值十二司令半至十五司令暹羅金礦股份則有行無市云

法事電音 ○前接郵耗有言法國前皇宗室阿里因公爵私入法境欲充兵籍事為法廷所覺因將其執獲置之於獄嗣復擬將其事往邊疆釋放各節均經登錄刻接廿六日英京來電謂該宗室已由法廷將其釋放矣

渣打銀行控案畢訊 ○本坡渣打銀行控告利汪公司之案前在臬堂審訊業經失直兩該銀行情有不甘因而上控各報均刊前報現在本坡業已開堂審訊上控各案經三臬使會同詳訊此案數日始經訊畢惟仍未核定判詞須俟三堂酌量妥當始能定讞也

粵獲魚雷 ○前者英國之施登戰艦在日本海面操演魚雷不意有魚雷一具施放以後竟無蹤跡當時已徧尋不獲現接日本來函有謂此魚雷已為一日本漁人所獲即經送回駐紮該處之英國戰艦收領云云

控賬宜慎 ○去年西八月間本坡華商陳慶控告林亞取欠銀共二百九十二元八角二占一案當時業經控而得直而林向無歸着陳乃請票將其店業封禁時臬署成法官那里士已奉命將林亞取在水石街所設之店封禁旋將該店交吉寧分館出投遂於十二月三號投定計得銀五百六十元嗣該拍賣館於西正月間即將此項送交成法官那里士之手而那時并未將此款交還於陳現在那已報窮所存家業無多不過略為贖借諸欠耳嗣陳復見此情形即稟呈制府求設法以償此項在陳之意則因該成法官乃國家所用之人故也現陳已接副輔政使司邊尼君來諭言前寄之函業經收閱但該成法官所便之項國家原不能坐領賠償等情然則陳慶此項已無歸還之望觀此一事則嗣後有控告欠項而封人店業者不可以不再三審慎也

查驗命案 ○下兒浮底被入殺斃一案現在業與大認正在沸騰惟死者之屍以離經驗明惟向未據驗屍官判定故廿四日下午十二點半鐘之際即經驗屍官馬君偕同副巡捕官加君至施佛埔醫院內傳集一千人等訊取供詞藉成信讞時梅君亞三所延之如經及加申兩狀師亦至該醫院內錄取供詞當時馬君傳到死者之妻訊取親供乃其始所言甚屬糊塗且與其在府署所供大有迥延之處供畢馬君即照為登錄欲以作為證據奈加君不允謂該婦所供與在府案之供大異大抵彼婦因五中已亂所以其語無倫須再為詳詢始能作據而馬君初以供詞既吐安可復食其言因與加君辯論再三奈加君仍執前議馬君不得已乃嚴斥該婦之不應即着其將始末再為詳供不得復再胡言是以此案所供甚久至五點一刻鐘時始經供畢故已不及詳查定判因命將此案押候五月初二日再行覆核云

曲直分明 ○昨錄粵人朱德與朱益等各率黨徒互相鬥毆一事已詳前報惟究之此中曲直自有公評蓋朱德立心狡展冒名充役羨其薪水之豐故為擊時以致宗誼相殘則朱德之曲固自有屬也故其同業中人互相公論咸不直之嗣復兼丹戎牛船澳之東主葛君察知其情乃悉朱德奪其駕書冒名充役亦不直德之所為因即將朱德辭去而以朱益充回是役蓋以該駕書係為益求其舊東某西人所修者故葛君此舉殊亦快夫人心焉聞益被德黨擊破陰囊後即延醫調治業已喜占勿藥云

獲虎餘聞 ○昨錄然里直洋行有某西人及救火局之理事人等獲虎一事前報已詳茲聞某西人等請回叻中以英例獲虎向為國家勸款給獎以旌其能故某西人命役赴報于案求為領賞嗣以某西人雖已獲虎猶未將該虎屍解至府署報驗換請例章猶未符合故現向未為之給賞云

燕入他家 ○甘公芒古魯有一潮籍婦名馬交娘者生頗有姿而狐淫可鄙前與潮人某甲相狎以露水姻緣權作有情眷屬不料婦於邇來射絳暗相復與閩人某乙有私殊形縹緲情投意合不忍輕離故遂以甲為陌路蕭郎不復從前眷戀乃乙於二十四日欲赴粵畢營生婦竟席捲餘資相與迫隨蓋欲託以終身長聯好合詎至下舟之時為甲察覺目擊情形殊有不甘因喊差將婦執之押向於第一號捕房而去嗣副巡捕官蔡君詢婦被拘之由婦謂乙本其夫今欲往愛一遊不知緣何被執惟甲則謂曾以英銀二百元贖伊為婦今則見背而逃故為執之嗣婦謂與甲非係以終身相託何得肆行拘束故嘉君以苟合戲行殊為瑣瑣即着雨造不宜構訟因將該婦開釋而甲徒抱恨以歸而已聞婦業已附航回乙赴於家云

賭匪被獲 ○近日小坡葛利街內有潮籍賭徒三五成羣又以紅黑牌賭具公然肆設於道路招人赴博藉此行騙無知之徒墜其術者不知凡幾以故賭徒獲利頗豐查其赴局交博係為外埠之穆拉油人初抵叻地者為多益以其人地兩疎未諳若輩之為騙局故也於二十四日為巡差察覺欲欲掩而捕之無奈賭徒甚狡設局街中必着數人站立街前若遇差至先為傳聲報號而諸賭徒即為鬼脫遁逃故是日差至而諸賭徒先已聞警急如鳥獸四散曾未能為之獲云

總差告假 ○英人毛里士向在第一號捕房充當總差蓋以稽查炸藥軍器之役者也近毛君以久別家山忽興慕嚮之念因於前數日特向上海請假回英以慰家人之望業業上海研允即於本日辭職即事云

鷺島新聞 ○文麗茶舖該業中推為巨擘每年春季必親往武彝山採辦小種芽茶到廈烘焙裝運南洋各埠頭售銷獲利雖厚而成

出賣三品




啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香爽奈近有無恥之徒假冒本庄三品酒款式以圖魚目混珠殊情殊可恨爾後諸君沽買本行三品酒者請細認本號招牌之內有小紙包頭詳華字號標級標級也公司者始無伴若此字樣即屬假冒請為細認特此佈聞 大英一千八百八十五年十二月十九號 明碼也公司謹啟

鐵櫥



警世營生之道所最要者則惟儲蓄其次則惟銀兩然必須有以善藏始無意外此本行鐵櫥所以為諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行沽賣此等鐵櫥已有三十年之久其製甚為堅固保能避火且其匙鑰甚妙斷非盜賊等所能開計其全身均用鐵製無雜成並以木料且諸櫥自前至今均為一式堅固而無優劣之分至於名目大小不一而價值則約一百元至四百元凡用之者可保其不礙焚燒即遇出火災亦無所損本行之鐵櫥實為叻坡諸華商所喜購而本行每年所沽亦殊不鮮茲特為之錄佈倘諸君有意願者祈即玉臨選購為盼 大英一千八百八十九年十一月廿八號 大清光緒十五年十一月初六日



明碼也洋行謹啟

烏密酒發售




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒中上品也諸君光顧應細看以上所列之狗頭標庶不致誤且價甚相宜倘諸君有欲飲者請至本行取用可也此佈 大英一千八百八十八年八月十五號 明碼也洋行啟

法國頂上蜂標蜜酒出售



敬啟者茲本公司親由法國督辦頂上好萬湖池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬湖池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂標標頭為記並細辨香味方不致誤價甚相宜倘有欲飲之者祈早至本行沽買是幸 大英一千八百八十八年六月二十號 大清光緒十四年五月十一日 明碼也公司謹啟

蜜酒出



啟者本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤倘有無恥之徒假冒本行標頭者本行定必嚴為控究再此酒不能販往加勝吧 三 等處其餘各埠均能運往並詳印圖 大英一千八百八十八年十一月十八號 明碼也洋行謹啟



西國頂上密酒發售

Culmbacher Bock-Bier



啟者本行親由歐洲督辦頂上正裝密酒來叻發售其酒香爽異常且蒸製最為得法功能清涼解毒解暑除煩於南洋尤屬相宜常飲之可令人不沾暑濕癘疫等症茲特將來發價甚相宜諸君欲購買者請認以上所印此酒標頭慎為告擇以免為魚珠之混是所切盼特此佈
大清光緒十四年九月廿七日
大英一千八百八十八年十月三十一號
美憐登洋行啟

女醫問世 ○啟者氏向在美習醫有年前到叻中欲行於世現定以每日十一點鐘起至十二點鐘止在中華藥房內以憑諸君之聘倘有賜教者祈如期惠臨為盼
大英正月十一號西國女醫威勞付謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一替最為名貴每枚價銀二十五元并有大小各式金表甚多且屬當行出色者更有無須須匙自能上鍊之鐘表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常之麗以備諸君選擇他如金表金匙相金表練金戒指等各物甚多不能備錄而本店并能代 諸君修理鐘表以及風雨針等件甚入精細以能暑度無訛 諸君車鑲請即移玉 光臨為盼
大英一千八百八十八年四月十七號

新到頂上呂宋烟及各式烟等發售 ○啟者本號常有新到頂上呂宋烟發售其烟乃本號親在小呂宋採辦上料精工監製至本坡發售其烟之名號如 刺因修刺 刺于士丹西亞 刺巴刺 下路高美打民路馬里因知等名烟無不俱備又荷蘭及專刺馬即仲光烟亦常有便沽其荷蘭烟乃向荷拿之蘭亞卓等家購至而專刺馬即仲光之標則向仲光曼多尼等諸名家購辦載來而本號并售紙捲之烟乃將西國之頂上名煙捲就如威馬愧刺勞士 刺因修刺 卷兒那勿刺 瑞乙加波路等 各名煙均無不有此乃向美國卷兒那地方亞蘭仁打號所選購其香清越其味醇厚令人吸之心曠神怡迥非他家所及其上耳其之標乃向土京毛刺池公司採辦而本號并有督辦頂上之棉不勞多及馳名之直里加士打即三金塔之美國烟絲發售以備 諸君自行捲用並常有呂宋烟袋及各烟盒呂宋烟嘴等發售而烟嘴之款式甚多可 諸客選擇而自辦各式烟如 威谷 高土模寶來乙 然 馬影居士 埃奧奧等款式甚多不能盡錄 諸尊惠顧無不格外從廉以冀廣為銷流倘 諸紳商有欲賜顧者請至十庫花園邊第八號門牌吉靈拍賣館之隣細認門前大玻璃窗上書金色西字招牌庶不至誤特此佈聞
大英一千八百八十九年十一月廿六號
打峇基里亞幼尼巴西烟店謹白

再為佈告 ○啟者本號以上所出之告白有烟名曰刺因修刺者烟此乃天下馳名久為眾士商所共悉其身薄拿裝者乃特聘鑿之最上名工所製其卑立巴因裝者乃為前者小呂宋國家督造呂宋烟之工頭督製其烟葉乃精選本號自種之刺伊沙未刺里加牙兒安及巫越打亞答菜園中所產之頂上烟葉所製此烟於前者歐洲開設賽烟會之際曾輕往賽已得有金寶星二顆因當時會中天下各國所製之烟無有能出其右者於此可見本號之呂宋烟久已馳名於天為下而 諸士商所樂為之買者也是以本號另行分枝一間在嘉坡土庫花園邊第八號門牌吉靈拍賣館之隣以便諸紳商等人等時加惠顧以應所需倘蒙 諸君賜顧尚懇 移玉前來以憑採辦本號於西國烟無不備有且其價格格外從廉尚懇重臨不勝厚幸特此再佈
英一千八百八十九年十一月廿六號 打峇基里亞幼尼巴西烟店謹白

吉屋出賃 ○啟者茲有便厝一間在老爺宮前門牌一十五號即協恒隆現住之厝諸君欲稅請至本號此議此佈
大清光緒十五年十二月初二日
豐興號謹啟

海風多惡 ○刻接日本遞來西簡云前日有英國郵船林馬里於西去月廿七號行抵大坂地方據其船中人稱稱於廿六號時在面遭風約閱一時之久其風甚巨該船危殆異常顛播波心業已不能自主時該船司舟正在樓頭察看乃忽而走下蓋恐其樓為風吹墮也是時適遇英國大鐵甲戰船音車里亞士亦經該處見其將船駛至近山之處以期避颶時見該戰船亦顛播不勝未幾即覺海暗天昏即不能復辨該戰船之蹤跡矣所報如是亦可見海風之多惡矣

濼泊誰憐 ○十六早有閩籍少婦一人坐於舊巴虱後路傍哭泣甚哀一時環而觀者不乏其人婦年約二十餘身衣青布衫烏布裙運滄雙鉤頗有纖小可憐之態而觀其裝束雖非羅綺然亦頗為整潔惟子然一身獨坐路隅嗚泣嗚咽行人亦為之慘動嗣有詢其來歷者據婦自言為陳某氏向在廈門竹仔街居住其夫陳某於七八年前即至南洋謀食詎自茲已往即覺音信毫無竟不知其寄跡何所直令深閨為之望穿秋水而鬼卦終覺無靈嗣有所素識之人名亞良者與氏言謂現聞陳某在於叻中以工役為生亦覺粗堪自給氏聞之念欲見其夫面但以道途迢遞不敢逕行而良即毅然曰嫂欲親往尋夫實為好事至於路途調護之力吾當為之肩任可也氏欽其義遂相與附搭和平輪船南渡即於是早抵叻詎良至叻後即卸某氏登岸行經舊巴虱後該處行人頗眾詎良即乘間而逃不知所之但良此次南來所有盤費等一切支需皆為氏出計耗氏之項已至十有餘元云云婦言如斯當其所述之時不禁淚隨聲下嗣有不知姓名之閩人某甲向婦謂叻地果有陳某其人者現居打石街中婦聞語即哀懇其帶往俾得辨其是否其人應允遂與婦偕行究之某甲果係引婦往覓其夫抑或另有他意存焉則非傍觀所能知悉者也

酒徒構訟 ○聞有粵海廟前萬興號之少東楊碼隆者年逾弱冠承其先父遺業頗擁多貲第以五陵年少氣象輕狂於二十五夜酒興勃然痛浮大白雖非玉山頹然已深入醉鄉將為酒困時乃外出閒遊步至牛車水道中酒氣醉發醉態醜狂狂吠亂躍性難自持道上行人見楊醉容可掬幾疑伯胡狂生均多避道而行蓋亦恐其所侮也詎有一百四十三號之穆拉油巡差察至是聞見楊手舞足蹈情不自制知是為酒所困恐其縱性擊斃動之而歸楊不甘反而詈之竟欲相與為難該差怒因執逮案現猶未質聞楊現已延麥吉里狀師為之代訴據楊謂該差以無端毆辱惟楊之願兒亦果有毆痕可據第不知公庭對簿時高坐堂皇者其將作何辦理耳

毒蛇茂賞 ○黃甲葉乙俱粵人向以捕捕蝦蟇為業於廿五夜持火外捕躑躅至附近淡申律之某山下有一草坡之畔而捕焉詎其燭光掩映之餘見有蠅蠅而動者蓋以為蝦蟇羣聚於斯遂諦視之竟有一巨蛇盤繞是聞昂其首而伸其舌有欲啖其火而肆其噬者然黃與葉遂知為毒蛇被所毒因合力奮擊而蛇遂擗之而歸廿六早黃與葉肆蛇赴於府署報驗蓋欲領其獎項也不料捕蛇獲賞之例在昔有之嗣為國家擬將是例革除已久故黃與葉不得邀其賞項焉由是黃與葉相與歎望昇蛇而返聞該蛇大如升許而長約有丈餘然則該蛇之鉅亦可想而知矣

幾汚名節 ○閩人林甲年近知非久客天南第不知其所操何業者於廿五夜偕其弱冠之子林阿乙不識緣何事故携之外出踰於萃園亭山下某宅之騎樓坐相告語時適有五百六十六號之吉寧差欲歸厥家道經于此見林父子二人於黑夜之間並坐門前低聲細語粹疑其有曖昧之行因直執之捉向第一號捕房而去翌早該差即將林乙拘至國家醫院請驗旋經西醫里士勘驗知林乙本是真童而所謂曖昧之事者實該差過為狐惑耳以故總巡捕官廉得其情遂將林甲父子釋放以恤無辜然則該差之誤加汚名而林乙之抱慙以臨則亦殊形不值矣

嚴懲私烟 ○十七日烟公司有二十三號之閩籍巡丁恩線通報偕赴於打石街閩人陳亞賓之家中詳為勘察竟搜有私烟一罐計值價銀二十六元另有雲南土烟甚夥計值價銀五百元故執陳陳逮於案中二十五日經太守提訊據情審確即判罰英銀五百元無銀繳呈改禁三閱月以示重儆

改易國法 ○廣東海防兼善後總局廣東錢局為曉諭事照得廣東機器鑄錢所有鑄就錢文及行使章程前經明白曉示在案嗣經前督部堂將購買機器鑄錢恭摺具奏欽奉 硃批該省鑄錢應用清文寶號二字不必添鑄庫平一錢字樣等因欽此自應欽遵辦理查前次所鑄之錢每文重庫平一錢每千實價值銀一兩原係通行舊章惟與市面舊錢價有兩歧在本省已覺參差若流轉外省則舊錢難未盡隨時區別更覺窒礙難行本省奸商因價值不齊藉端居奇居民亦多未便且每文一錢銅質過重現在銅價正昂取錢銷燬頗可獲利計自開鑄以來所出新錢已數萬而市面錢仍屬缺乏難保非不法之徒私銷圖利當此改鑄錢樣之際若不妥善法則旋鑄旋銷何所底止現奉督部堂李署撫院游會同商酌改鑄八分一文之錢俾本省各省一律通行免至參差奸商無利可圖則銷燬自止於錢法實有裨益當即由本錢局改換鋼模試鑄較前次所鑄之錢一精良查從前各省鑄錢文不免砂土夾雜今機器所鑄雖減二分已足與舊時制錢相將而光潔尤為過之且價值既無歧異尤屬利便於民富經兩院憲會同奏咨立案飭局多為鼓鑄發出行用由本善後局搭收繳均照現在市價每兩換錢一千三百五十文不准攙私短陌與舊制錢一體使用合行示諭為此示仰通省諸色人等知悉此次改鑄錢文發出按照時價

一體行用毋得私自權價及私扣短陌致干責究其從前所 有庫平一錢四字錢文仍准照舊行使不得私行銷燬敢違犯由地方文武嚴
行拿究懲辦不貸慎毋違特示

京報選錄 ○頭品頂戴閩浙總督臣卞寶第跪 奏為新授山西藩司遵 旨起程另委道員署理潘臬兩閩恭摺仰祈 聖鑒事竊
署福建布政使查俊蒙 恩簡授山西布政使臣因該司辦理計典奏懇暫緩交卸奉 硃批奎俊著即赴新任所請暫緩交卸之處着不准行
欽此欽遵轉行去後查已丑年計典查俊業經辦竣自應遵 旨交卸署篆前赴新任所有福建藩司篆務應即委員接署查有現署臬司督糧
道張國正精明練達在閩年久熟悉情形堪以委署遞遺臬篆查有鹽法道龍錫慶秉公持平辦事認真近在省垣堪以兼署除飭遵照外理
合恭摺具奏再查俊具摺謝 恩請 觀尚未奉到 諭旨仍應迎摺北上合併代陳伏乞 皇上聖鑒 奏奉 硃批知道了欽此 ○卞
寶第片 再據署汀州府知府李耀奎稟揭署長汀縣知縣候補通判李鳳翎需索牙行銀兩若不用銀打點一律革辦並訪諸輿論謂該令
不但於各牙行索賄即審問案件多有賊私等語臣當即行司將李鳳翎撤任一面委員查辦經潘臬兩司遵委新選邵武府知府恒齡馳往汀
州會同該督知府查辦臣飭恒齡與李耀奎乘公查明各自稟覆以免牽制嗣據邵武府知府恒齡稟稱李鳳翎苛索牙行被控有案隨即開核
全卷傳集各行審究據紙牙彭均和指牙范復泰布牙周長豐油牙余信昌等十行到案供被李鳳翎勒索實在已交洋銀二百餘圓至數十
圓數圖不等均係李鳳翎家丁許二即許心田經手過付並各具如虛反坐切結存案家丁許二前經李耀奎查於猪牙行控告之時委員提訊李
鳳翎延不解送旋即縱令遠逃又據汀州府知府李耀奎稟稱恩貢生張琴治赴縣稟契李鳳翎索銀三百圓使費二百圓不遂稱稱張琴治包
庇案犯彭九如詳請斥革及相驗僧金亮命案索犯鄒夫價等案其管理堂事家丁吳二亦已逃走各語稟覆前來臣即批司限飭李鳳翎交
丁審辦乃李鳳翎奉飭後稟揭李耀奎家丁需索門包並需索供應等情形查所開帳單不過茶盤十個銅茶船十個之類所值無幾至家丁需
索門包即當回稟本府請究既不當時舉發與者亦屬不合茲於事後據指具稟意圖反噬而於家丁許二則抗延不交實屬異常刁狡相應請
旨將福建候補通判李鳳翎即行革職以便看管勒令將家丁許二吳二交出究明各案嗣証按例懲辦以肅吏治謹附片陳明伏乞 聖鑒
訓示謹 奏奉 批另有旨欽此

求請明言 ○啟者前閱星報二十日所出辭影聲明告白一紙內言黃廷燦因事不合故於本年三月杪業已辭出云云詳觀此語實
有不明竊思因事不合四字可大可小究竟係因何事以致不合之處不妨明說大丈夫作事何必含糊若此用特為之請問究因何事不合祈
再聲明於報以免閱者狐疑幸甚幸甚 大清光緒十六年庚寅四月二十六日 黃廷燦謹啟


渣甸正期輪船 ○敬啟者茲有巴密輪船一隻名連盛於數天後由祖家啟行至日必能抵叻上落貨訖欲往 香港 汕頭 廈門 淡
水 臺灣府 福州 上海等處 貴商如欲配載及搭客者請至本行相酌此佈
大英一千八百九十年六月二號 大清光緒十六年四月十五日 威廉施實略洋行告白

北慕娘憲示 ○北慕娘輔政使司葛 為招商承充賭碼事照得現奉 督憲札開仙那港所轄各地方之賭碼將次屆期茲欲招人
承充奉 此特諭商民人等一體知悉承充此碼以六閱月為期至一千八百九十年十二月三十一號止凡投票者該票外務須寫明機密票
紙方能合式所有投票須於西本年六月十五號以前送交仙那港本司署內以憑選擇如在叻地有欲知該碼之規及其一切詳細情形可向
然申洋行面詢便得各宜踴躍慎毋觀望特示 大英一千八百九十年五月十六號 大清光緒十六年歲次庚寅三月廿八日 示

蘇 浙 振 捐
印信實收報捐貢
監 封銜翎支等
項隨捐隨獎以便
捐生現存實收無
多志切願揚者一
舉兩便速 屈函
議此登 助報館
對門馬萬興號內
便詢此佈 登
核獎分局啟



售出酒密標狗
諸仕商多好飲之深蒙獎譽此緣該公司所製狗標密
酒其入樽之法殊屬合宜蓋裝載密酒之法最難必須能
合其法合其時其氣味始能芳烈運速均有不可該公司
深明此法故其所製之酒較於別家所售者為佳蓋此酒
雖以酒名然其功可以消暑除煩飲之能令人心爽神怡
並無醉後亂性之患故飲之者甚為獲益也查烏白密酒
所最銷流之處係以暑地為多此酒乃歐洲峇士公司所
製均用上料與別家不同 諸君有欲購買者請細認勞
末波打公司狗標為記庶不致誤特此佈 聞
大英一千八百九十年五月十七號 大清光緒十六年三月廿九日



牙直里洋行告白

